

Na osnovu čl. 14. i 45. stav 2. Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj 11/00), a u skladu sa Odlukom o principima vođenja kadrovske politike na rukovodećim mjestima u institucijama i tijelima Vijeća ministara Bosne i Hercegovine, broj 21/02 od 21. februara 2002. godine, Vijeće ministara Bosne i Hercegovine na sjednici održanoj 14. marta 2002. godine, donijelo je

## **ODLUKU**

### **O IZMJENAMA I DOPUNAMA ODLUKE O OSNIVANJU UREDA ZA VETERINARSTVO BOSNE I HERCEGOVINE**

**( "Službeni glasnik BiH", broj 10 od 24. 05. 2002. godine )**

#### **I**

U odluci o osnivanju Ureda za veterinarstvo Bosne i Hercegovine ("Službeni glasnik BiH", broj 31/00) tačka IV mijenja se i glasi:

#### **"IV**

Uredom rukovodi direktor i zamjenik direktora.

Direktoru i zamjeniku direktora u radu pomaže sekretar kao rukovodni službenik.

Direktora, zamjenika direktora i sekretara imenuje i razrješava Vijeće ministara na period od četiri godine, s tim da na istu funkciju mogu biti imenovani još jedanput.

Direktor, zamjenik direktora i sekretar ne mogu biti iz istog konstitutivnog naroda.

Za direktora i zamjenika direktora može se imenovati osoba koja ispunjava slijedeće uvjete:

- da ima visoku stručnu spremu veterinarskog smjera,
- da ima najmanje pet godina radnog iskustva u veterinarskoj struci,
- da ima izražene organizacijske sposobnosti,
- da aktivno vlada jednim od svjetskih jezika,
- da se posebno ističe u dosadašnjem radu.

Nakon provedenog javnog konkursa, a na prijedlog Kadrovske komisije Vijeća ministara, direktora, zamjenika direktora i sekretara Ureda imenuje Vijeće ministara u roku od 30 dana od dana stupanja na snagu ove odluke."

#### **II**

U tački V u trećem i četvrtom redu, riječi: "i zamjenici direktora", zamjenjuju se riječima: "zamjenik direktora i sekretar".

#### **III**

Tačka VI mijenja se i glasi:

#### **"VI**

Svoja ovlaštenja direktor, zamjenik direktora i sekretar Ureda vrše na osnovu Statuta i drugih pozitivnih propisa.

Statutom se bliže uređuje način odlučivanja o bitnim pitanjima iz nadležnosti Ureda i obaveza direktora da u slučaju nepostizanja saglasnosti o bitnim pitanjima, obavjesti Vijeće ministara koje o tome zauzima stav.

Direktor, zamjenik direktora i sekretar za svoj rad odgovorni su Vijeću ministara."

#### IV

U tački VII u stavu 2. u prvom redu riječi: "i zamjenici direktora", zamjenjuju se riječima: "zamjenik direktora i sekretar".

#### V

U tački IX u stavu 1. iza alineje 6. dodaju se nove alineje 7., 8. i 9. koje glase:

- "- koordinira predstavljanje Bosne i Hercegovine u međunarodnim institucijama iz oblasti veterinarstva;
- praćenje međunarodnih propisa iz oblasti veterinarstva;
- međuentitetsko usaglašavanje propisa iz oblasti veterinarstva."

#### VI

Iza tačke X dodaju se nove tač. XI i XII koje glase:

#### "XI

Danom imenovanja direktora, zamjenika direktora i sekretara Ureda u skladu sa tačkom I ove odluke prestaje funkcija direktoru i zamjenicima direktora Ureda imenovanim Odlukom o imenovanju direktora i zamjenika direktora Ureda za veterinarstvo BiH ("Službeni glasnik BiH", broj 9/01) i isti se raspoređuju na druge poslove u Uredu u skladu sa zakonom.

#### XII

Direktor, zamjenik direktora i sekretar Ureda dužni su u roku od 60 dana od dana stupanja na snagu ove odluke uskladiti Statut, Pravilnik o unutrašnjoj organizaciji i druge akte Ureda sa ovom odlukom."

#### VII

U dosadašnjoj tački XI koja postaje tačka XIII na kraju teksta tačka se briše i dodaju se riječi: "i Brčko Distrikta Bosne i Hercegovine".

#### VIII

Ova odluka stupa na snagu danom objavljivanja u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

VM broj 41/02  
14. marta 2002. godine  
Sarajevo

Predsjedavajući  
Vijeća ministara BiH  
dr. **Zlatko Lagumdžija**, s. r.